

La giuventetgna ei flexibla

Suenter igl emprendissadi anflan ils biars giuvenils suttetg ella fiera da lavur

DAD ANDREAS CADONAU / ANR

■ **Cun il diplom da professiun enta maun entscheiva ina nova fasa ella veta da biaras giuvenils e giuvenils sursilvans. Per biars d'els ordeifer la Surselva ed era ordeifer il cantun Grischun. Las schanzas sin la fiera da lavur ein denton intactas e la veglia da sescolar ei avon maun.** Nicole Venzin cuntinuescha sia occupaziun professiunala leu nua ch'ella terminescha siu emprendissadi mercantil, numnadamein a Cuera tier la Lia Ruman-tscha. Da sia classa E3 dalla scola mercantila a Glion eis ella buca la suletta che cuntinuescha il viadi professiunel el liug d'emprendissadi, sco Nicole Venzin ha tradiu. Singulas dallas collegas da classa serendan egl'exteriur per in perfecziunament linguistic ed acquistar la maturitad professiunala ei ina ulteriura finamira stipulada el ravugl dalla classa da Venzin. La classa ha gest retschert ils attests da professiun la fin dalla jamna vargada a caschun dalla fiasta da diplom a Glion. E quei attest professiunel munta per biaras diplomadas e diplomai in niev pass ella veta. E per biars in pass ordeifer la Surselva e per part ordeifer il cantun Grischun. Il menader dalla scola mercantila Surselva, Marcus Beer, ei per charts che la purschida da plazzas en Surselva po buca curclar la damonda davart dil diember dils absolvents dalla scola mercantila Surselva. El ha fatg attent che biars absolvents veglien denton era bandunar la Surselva per recaltgar ulteriuras experienzas professiunales e humanas. Gest igl in-tschess dalla Vallada dil Rein porta interessantas perspectivass professiunales allas giuvenils sursilvans e giuvenils sursilvans sper la Bassa.

Dalla Val Medel a Cuera

Sapientivamein per Cuera sco liug da scolaziun ei Venzin sedecidida. Ella ei



La giuventetgna sursilvana ei flexibla ed anfla suttetg ella clamada ni en ina ulteriura scolaziun, biars denton ordeifer la Surselva. MAD

carschida si ella Val Medel ed ha tradiu d'aver absolviu siu emprem emprendissadi sco vendidra a Cuera e getg che la capitala grischuna seigi stau siu liug preferiu per il secund emprendissadi. E tonpli leda ei Venzin da puder cuntinuar cun la via professiunala a Cuera nua ch'ella en-

conuschi gia dabia glied e nua ch'ella ha entretschau dabia fils socials. La lavur tier la uniuin tergal romontscha cuntenta la giuvna medellina cumpleinamein e sescolar vinavon vul Venzin era suenter la fin dil secund emprendissadi, numnadamein ella cudischaziun. Ils absolvents

dalla scola professiunala a Glion giavischan per gronda part da restar ella regiun ed occupar sche pusseivel leu ina piazza. Da quella opiniun ei il menader dalla partiziun professiunala dil Center da formaziun Surselva, Alois Derungs. El sereferescha a discuos persunals cun ils

absolvents dalla scola professiunala che han medemamein retschert lur diploms la fin dalla jamna vargada. E quels absolvents han momentan bunas schanzas dad acquistar ina piazza stabla en Surselva. Quei vala principalmein per scrinaris/lennaris ni era miradurs. Persunas dil fatg ein tschercadas, sco quei che divers patruns han dau d'entellir. E sche buc en Surselva sche lu ordvart. Derungs ei dil meini ch'ei seigi grev da carmalar anavos en Surselva persunas dil fatg indigenas che hagian gia fitgau pei ella Bassa.

Bunas schanzas sin la fiera a lavur

Las giuvenils ed ils giuvenils sursilvans posedan denton bunas schanzas sin la fiera da lavur probablamein era per quei ch'il diember dad emprendistas ed emprendists ei tschessaus ils onns vargai en veta al svilup demographic. En Surselva resta momentan era Denis Marmy. El ha gest terminau siu emprendissadi mercantil tier la Posta a Glion e medemamein retschert la fin dalla jamna vargada siu diplom professiunel. Per in ulteriur onn sa el luvrar tier la Posta a Cuera e mantegn siu domicil a Vuorz. La perspectiva futura lai el momentan aunc aviarta, ina ulteriura scolaziun ei denton senz'auter pusseivla, sco quei che Marmy ei s'expressiu. Paul Schwendener, il cau digl Uffeci cantunal d'industria, mistregn e lavur, ha explicau ch'il cantun Grischun enconuschi bein ina pli alta disoccupaziun da giuvenils ella vegliadetgna suenter igl emprendissadi visavi al diember total da persunas disoccupadas che l'ulteriura Svizra. D'attribuir seigi quei fatg alla attractivitad dalla scolaziun mercantila che corrispundi buca dil tuttafatg als basegns actuals dalla fiera da lavur. La disoccupaziun dils giuvenils ella vegliadetgna da 20 entochen 25 onns cuoz per regla sulet treis meins.

Sentupada intercontinentala el gimnasi a Mustér

Students da Kapstadt visetan la scola claustrala

DA PAUL DUFF / ANR

■ **Il gliendisdis vargau ei ina gruppa da students ed accumpignaders ord il marcu principal dall'Africa dil sid Kapstadt, dalla Westerford High School, arrivada el gimnasi dalla claustra da Mustér. Gia la mesjamna ei lur viadi cuntinuass viers differents staziuns atras l'Europa.** Alla staziun da Mustér ei in viadi da sur quondisch uras ius a fin per ils giuvenils ord la gronda metropola africana. Per l'emprema fotografia ein els sepostai avon ils placats cun l'inscripziun «Der Weg nach oben» e «Towards the ultimate». Per ils Africans dil sid hai giu num – el senn dil plaid – d'ascender las scalas e la via teissa che meinan viers la claustra.

Sentupada cordiala

Leu ein els beinspert vegni salidai dils students gimnasials. Tgi che ha astgav contemplar il beinvegni ha giu l'impressiun che buns amigs enconuschents s'entaupien. Tier ils giuvenils students succeda il prender si contact a moda spontana, aviarta e cordiala. Denton, dil tut nunenconuschents eran els buc. Duas giuvenils dil gimnasi da Mustér ein stadas duront treis jamnas a Kapstadt el rom dil scomi dils gimnasials da Mustér e Westerford. Tals scomis vegnan organisai dalla societad «EduGlobe Swiss», la quala ei domiciliada el menaschi dalla claustra da Mustér. La giuvna Sina Darms da Glion ei stada leu ed ha saviu far beinvegni als enconuschents da Kapstadt. Las duas studentas Saskia e Megan prendan ussa

discors. Tgei fan ils giuvenils che san buca frequentar ina scola gimnasiala e scol'aula ell'Africa dil sid? Tier quella damonda vegnan las giuvenils pensivas e targlinan. Bein survegnan ils talentai e paupers subsidis dil stadi per studegiar, ils meins talentai denton han buca la pusseivladad dad emprender in mistregn. «L'economia ei en nossa tiara buc aschi ferma ch'ei fuss pusseivel da dar lavur a tuts. Nus havein ina gronda cefra da disoccupai e quels giuvenils associesschan bugen cun las bandas criminalas. Sina, la studenta da Mustér, raquenta da sias impressiuns a Kapstadt. Ir a scola en uniforma ei stau per ella dil tut ina nova expe-

discors. Tgei fan ils giuvenils che san buca frequentar ina scola gimnasiala e scol'aula ell'Africa dil sid? Tier quella damonda vegnan las giuvenils pensivas e targlinan. Bein survegnan ils talentai e paupers subsidis dil stadi per studegiar, ils meins talentai denton han buca la pusseivladad dad emprender in mistregn. «L'economia ei en nossa tiara buc aschi ferma ch'ei fuss pusseivel da dar lavur a tuts. Nus havein ina gronda cefra da disoccupai e quels giuvenils associesschan bugen cun las bandas criminalas. Sina, la studenta da Mustér, raquenta da sias impressiuns a Kapstadt. Ir a scola en uniforma ei stau per ella dil tut ina nova expe-

discors. Tgei fan ils giuvenils che san buca frequentar ina scola gimnasiala e scol'aula ell'Africa dil sid? Tier quella damonda vegnan las giuvenils pensivas e targlinan. Bein survegnan ils talentai e paupers subsidis dil stadi per studegiar, ils meins talentai denton han buca la pusseivladad dad emprender in mistregn. «L'economia ei en nossa tiara buc aschi ferma ch'ei fuss pusseivel da dar lavur a tuts. Nus havein ina gronda cefra da disoccupai e quels giuvenils associesschan bugen cun las bandas criminalas. Sina, la studenta da Mustér, raquenta da sias impressiuns a Kapstadt. Ir a scola en uniforma ei stau per ella dil tut ina nova expe-

rientscha. La scola da Westerford cun sur 900 students ei strusch surveseivla. La mischeida da differents culturas san ins percorscher entras ina buna convivenza etnica.

«boring» – lungurusa seigi la veta en Svizra

Sil plaz sut las gliendas nua che nus havein priu plaz sederas uss il fried dalla carn grillada. Dalla Svizra enconuschan ellas la buna tschugalata, la Toblerone seigi la pli gustusa aber era fetg cara. Insumma seigi la veta cara en Svizra. Saskia manegia ch'ella savessi cumprar biaras casas ell'Africa sch'ella savessi luvrar en Svizra. Nus havein cumparegliau ils cuosts d'in menu da 25 francs tier nus, quel coosta a Kapstadt silpli 180 rands ni dudisch francs. Lessan ellas lu pli tard vegnir en Svizra? Gie, sin viadi ni sin veta. Denton luvrar vulan ellas buca cheu. Megan studegia lungatg engles e vul daventar scribenta e pedagoga e Saskia studegia musica per saver cantar ed ir pil mund entuorn. Per cattar in amigt denter ils students ein ellas era buc el dretg liug. Ellas prefereschin in Francz pervia dalla biala pronunzia che lez hagian.

Las finamiras dad EduGlobe paran da tschaffar ragischs. Il brat intercultural cun China, cun l'Africa dil sid e Namibia ei sin buna via. Il menader dalla societad, Ursin Defuns, enconuscha ils obstachels sin via al success. El ei denton era quel che tegn la dira e lavura cun engaschament per contonscher finamiras da success.



La comunicaziun denter ils giuvenils ei spontana, cordiala e sincera. En cuort mument ein els seprofundai en intensivass discussions. FOTO P. DUFF